

四庫全書

集部

欽定四庫全書

御製詩三集卷九十八

古今體一百四十四首 辛卯六

進宮齋戒西直門外作

方澤將臨預致齋  
還宮清蹕歷郊街  
黍田禾壠雖菁蔚  
為盼優膏益迫懷

昨霑三寸似非誣  
窪地仍看潦積塗  
終屬小濡非大渥  
憂心安得刻紓吾

麥收那肯讓時光雖不崇墉頗積場有謂斯宜晴曬好

或云正當刈麥之候晴曬為宜然麥收總屬歉薄而此時早禾待滋長晚稼待耕種亟需膏澤以助田功輕重相權此時盼雨尤為切要權輕重祇盼霖忙

養心殿對雨作

五月初七日

曉晴卓午忽生雲隱隱雷聲自遠礮纔覺微涼幾點落

忽催急陣亂絲棼輒鋪平碱潦易積瓦滑琉璃瀑早聞

宮中庭院皆鋪輒上承石砌即小雨亦難滲易積而屋瓦琉璃質性滑澤雨輒垂溜是日霑甫二寸已覺簷牙注流地面浮水非若御園之土階素瓦必待急霑優膏方成雨象也曾未逾時勢消散祇

為嗟惜那為欣

和闐採玉圖

和闐採美玉還成採玉圖撈水出球琳他山攻琢磨

纏頭抱玉喜無比賚以騰格

回部銅錢名

並以米

回人採玉者賚錢米

以示獎勞視所採大小多寡等差之

上供歲貢下私鬻亦弗嚴禁聊聽爾

和闐採玉充貢歲有常例餘亦有私售者雖為禁制然利之所在亦弗深求且良玉仍供內地貨肆之用耳

即今中華玉頗多追琢其章市肆羅捐金捐珠古有訓其義或得相同科

王蒙侶鶴圖

黃冠兀坐浮小艇祇有胎仙介爾隨設使東坡逢覲面  
臨臯道士屬應誰

即事

徹夜雲陰未放晴忽零細雨忽復止侵晨密霽時畧長  
謂將自此優霑矣無何雲薄雨脚收孤望仍增永歎耳  
京兆來報二寸潤其何能助田苗起

夏至

北郊禮成述事

日永星火候

澤方祭

地時致虔晉琮帛式禮肅威儀協氣歆金鼎

神光燭赭帷連年值祈雨

昨歲夏至以望澤正殷赴壇展祀時不御輦不設儀

仗今年亦以雨未霑足仍循前例

慙悚寸心知

祭畢輕輿迴蹕御園之作

歲事齋宮更

平聲

祭衣輕輿趣爽御園歸

暢春路近先趨問又已連朝

定省違

東西黃寺閱年陳途便拈香落鼎新敬識

當時具深意聯情因撫遠方人

蒙古素敬黃教  
祖時因於京城北建兩

黃寺選梵僧居之使外藩朝正來者瞻禮梵像咸生歡  
喜以寓柔遠之懷東寺已於前歲鼎新茲以西寺葺治

歲工路便臨  
閱拈香落之

紗衣輕逼曉涼切蘭埒潤霑露氣濃却是尋常雨後景

渥優終欠為

去聲

無悰

麥稔初收積圃場黍禾遍野蔚新秧似茲畧覺先憂早

然此先憂正不妨

道旁見麥已登場梁黍秧苗並皆蔚茂似農田尚不至迫於望雨然晚禾

正須耕種此時若早霑渥澤庶秋稼可冀有收不能不切塵先憂耳

向北雨佳潦積塗問知此勝迤南輸遂多六寸稱霑者

不是慰吾竟謂吾

驟雨

五月十三日

驟雨東南來頃刻簷垂溜咨政逾四刻言中作止就劇



土二寸餘仍復未深透君臣同一惜我益慙孔疚油雲  
時聚散大需祈

天宥

夜雨

終朝雲聚散入夜雨廉纖屬耳傾聽牖繁聲遂落簷一

更剛盡歷三寸未深霑及曉或接濕

今日辰時驟雨頗佳惜亦未久即止

以此及曉兩次之雨合計亦祇接濕潤稍救時耳有以為霑渥者殊覺未然

救時那即快自

欺昔有戒於澤我無厭惟冀滂沱霈不眠數

上漏籤聲

有所思

人誰無所思我思實難副綏豐既思屢仍思遍宇宙思  
賢供庶職更思育俊秀思政底平康保泰思永守叶思  
民免饑寒而更思殷富思雨雨艱致思暘暘鮮湊凡此  
種種思往來方寸逗思多憂故多白髮安辭糅

題沈周寫生冊

雉

獨立卓如峯斑然毛羽茸在梁憶丹匹登木應黃鐘誰

辨入淮蜃曾同作繪龍石田號忘世寓意究何從

墨蘭

底須綠葉與芽黃草草圖中馥馥香恰似幽人不衫履  
豈爭顏色向羣芳

牡丹

色紫何曾紫意豪真是豪偶然為墨潑足以託風騷洛  
下種猶盛唐來愛底高略嫌八十老

見後自  
識語

尚艷宰公

袍

幘間周自題有風流魏  
家紫光動宰公袍之句

筍

山肴野蔌雅供餐却似雙魚卧玉盤

石田此幅畫雙筍視之乃若魚疑是

誤筆從而點渲者

一例東坡能戲客漫嫌上番

去聲

未成竿

梔子

辦裁荆國玉蒔簇華山金色滌塵凡目香宜清淨心精  
神夏瀟洒庭院夜深沉底事號禪友來從薝蔔林

枇杷

以葉得名以果異珠擎琥珀爛纍纍定知枝上無棲鳥

認作金丸不敢窺

藕

不染污泥處

上聲

濯清綠水披節生能應月露發惡

去聲

先

時根具靈通竅花開清淨姿處妃疑折贈猶帶雪華絲

菱

折腰珍味最稱吳却是崢嶸頭角俱短句偶吟范成大  
無端民瘼繾披圖

石榴

囊擘絳瑪瑙子堆紅水晶迎眸形錯落可口氣和平齒  
訝寒敲玉心疑液煦瓊葉羌供歲貢鑿空種真輕

黃瓜

菜盤佳品最燕京二月嘗新豈定評

學圃餘疏言燕京種黃瓜火室中逼

生花葉二月初即結小實中官取以上供今內府藝圃者四月初始以小黃瓜進鮮前說殊不足信

壓架

綴籬偏有致田家風景繪真情

茄

科疑米老樹實類邵侯田紫白明明別秋風落落懸山

僧飽厨下郡守種齋前更說不飲井侈談豈信然

南史載蔡

搏為吳興太守不飲郡井齋前自種白莧紫茄以為常餌詔旌其清夫必自植而後食何異許行之曲說且以長吏下專園夫之利亦瑣屑不得體然鄙吝者時或有之若當官而飲官中之水不足傷廉誠如史言一郡之地廣矣搏豈能自他處致水以供日飲而所種莧茄又安能不資汲灌甚矣盡信書之難也

### 菜瓜

種不青門纍綴叢食稱七月見幽風十香糖醋滋紛矣  
踵事增華老圃同

### 蘿蔔

蘆葍出金城蔬中品淡清充腸堪以熟沁齒亦宜生客  
舍誇淨練僧庵種脆瓊富貧原不擇利物得公平

松

寫生體物善形容倔强稜稜殿老松不擬徐黃工細緻  
最能寓意是吳儂

雨

五月  
望日

昨夜晴明無雨望今晨霰霽幸雲瞻曦輪忽掩氣脩颯  
霽脚旋垂勢震震不疾不徐將半日曰高曰下信均霑



多時憂盼纔方釋祇益悚虔那即恢

仲夏討源書屋

泉林值優霽遠厓京畿田為之望嘉澤展轉逮蹕旋一  
日復一日月餘倏忽遷

暢春每問

安仍即返御園非故省遊幸愁鮮閒緒焉夏半始霑膏  
晚種茁茁芊詎止釋愁幸慰

慈念懸歡顏咨

起居退憩書屋便鏡中華髮增几席原如前

釋愁

望雨日夜愁雨霑始釋愁設使忽此愁恐防致大愁人  
孰免憂喜喜恒不勝憂富有實無外貴為莫與儔豈其  
已饑慮誠座已寒謀苟視漠弗關不善失之羞愁固未  
可少庶永承

天庥

堤上三首

視事餘閒一命與清漪

萬壽山園名

多日未臨諸誰知景不

怨拋却水態山容故起予

稻塍豆埂皆芄綠柳岸蘭堤互暎青細驗田功原不誤

今朝稍覺我心寧

湖水今年較昔強雨艱未誤插私秧夏霖昨歲雖成弊  
利伏其間茲獲償

仲夏萬壽山

東巡廻蹕即盼雨那得閒情問碧嶒春已全拚夏過半

愁纔消去興隨增喬林佈蔭偏宜步敞閣延涼正好憑  
西望香山猶十里兩年未到亦云應

玉瀾堂

香蔚蘭堤露氣浮溪堂至止小停留几披芸簡昔猶昔  
窓俯玉瀾流不流有子已省賀巢燕無心何必狎盟鷗  
直須一瀉昆明水洗盡胸中萬斛愁

養雲軒

寫楹幾縷落山陂爾許時哉始見茲養得夏雲能作雨

不嫌再需畧嫌遲

霞芬室

春芳不問過夏卉忽云開霞粲色非艷風輕香細來影  
翻呈鏡照韻度合詩材却慮綺言屢其如唵興催

知春亭口號

忽忽燈節未檐巡

新春一至萬壽山未登此亭

仲夏山容過雨新欲

擬拈毫翻失笑亭知春我不知春

雲松巢

向亟望雨時天際雲艱覩今來雨既霑山雲滿庭宇雲  
本無難易人自有欣苦而松付不知龍鱗潤楚楚

石舫

石舫艤西頭繞山行必到到亦必小坐山水吾均樂今  
年湖水足雖旱而未耗稻塍既普灌鷗波仍浩渺叶隨  
處驗田功詎止暢遊眺

小西泠

西峯浸水西湖似綴景西泠小肖諸何必孤山憶風景

已看仲夏綻芙蕖  
遠巒雲氣濃蕪淡  
過雨波光淨且虛  
耕織圖猶六橋外  
待予有暇命遊輿

味閒齋漫詠

山西迤邐來山北  
恰憇山齋曰味閒  
我已憂勞過月半  
豈能無愧額題顏

清可軒

山陰偶弗過則已  
過則清可所必憇  
依然繩榻木几間  
別之又以數月計  
夏中一室祇如冰  
峭壁苔皴潤生翠

架上芸編隨意翻  
恰是鶴林玉露記  
日長山靜斯信然  
却思此故非我事

靜佳齋

靜者動之基  
動者靜之用  
靜勝動斯佳  
動勝靜無中  
動固近  
憧憧靜無取  
空空<sup>叶</sup>晝  
養宵有存  
順應物來  
班齋中所會  
然齋外事  
斯衆

袖嵐書屋

一帶西山秀  
莫窮雨餘林  
翠護龍從誰  
知遠引詩懷處



咫尺原於襟袖中

嘉蔭軒

夏葉佈陰齊團團覆草萋  
竟當黃蓋徹恰似綠帷低  
隔歲今方至對書古與稽  
躬行猶未足豈暇論醯雞

翠籟亭

古栢幾株翠幕亭風翻謾籟響泠泠愛他雅是仙山曲  
祇許憑欄片刻聽

惠山園

壽山周覽至山左別有山園倣九龍耐可憑軒供眺望  
欲言返蹕且從容水花紅馥遶風細林葉翠新過雨濃  
豈弗梁溪烟景似不緣渥澤得艱逢

御園雨泛

五月十七日

昨夜濃陰雨未零辰牌嘉霽遂濛溟午過申逮時疎密  
斯實霑哉心始寧

御園景美不勝收盼雨心煩却嬾遊適日頻繁叨渥澤  
因教片刻泛煙舟

亦看豪放亦沉潛乍覺生涼乍滌炎上下水天一合相  
不翻梵夾悟楞嚴

聲難為狀色難摹把捉何從聲色無此是洗心真法乳  
自當憂慮淨消吾

淳化軒

屏石疊玲瓏文軒有路通建廊藏帖版開戶對薰風烟  
月怡神表古今想像中設因驗治理亦得我心同

天台松

八重山高八百里梯巖移根弗易矣植盆雅合作清供  
利之所在人趨耳我欲返淳樸禁之鬻樹者應不便此  
毆鬻樹者歸諸農那得曠土俾耕耔舉此率可例其餘  
古道何由能復始前墀列石殊嶮巖石隙種松勝盆裏  
森竦夭矯恣盤拏不異天台石橋左右峙數尺宛如數  
丈形形以神苞故能爾徐則予微至今存斯之未必首  
肯彼

古玉章歌

玉章哀聚八十枚穆如古色彬瓊瑰向魯十六擬元凱  
茲四倍之誠富哉重檢舊有合印統亦非廣事蒐羅材  
內府舊藏玉印甚夥向萃其最美者十六枚蔭野題有  
如達八元凱可不共疇咨之句茲復擇其鈕文與印統  
合者得八十枚皆取諸爵秩凡五地名一五十有四人  
舊有不藉廣搜博採也

名偕通用吉語乃二十各依其類以次排斗檢形質期  
必合商彝夏鼎相追陪黃姬水序稱顧氏務多失實非  
精裁其人其物今安在後今視昔輒然咍

題陳仲仁倣古花果冊即用其韻

松房

松房貯子蜂房似百尺根原萌寸莖

說文草根也然揚子方言莖根也夫

草既可言根則木亦可言莖因用陳韻故並及之

詎止棟隆資大厦調羹也入

食單材

杜鵑

望帝春啼未易乾民心因可識猶丹不宜移向花園內

漫共羣芳艷井欄

山礬

黃龍春色艷山陽花處風傳七里香

是花又名七里香

何事分

寧黃魯直先時批判弟兄忙

山礬開暮春而魯直水仙詩云山礬是弟梅是兄特

先時矣

牛心柿

園林霜染家丞實葉不為楓果是楓比似牛心啗逸少  
應教周顗墮疑中

金絲梅

梅寧知白與知黃三品何須誨善藏設使移根大庾嶺

冰姿應亦為去聲韜芳

映山紅

記得風篁

嶺名在龍井

跋馬遲滿山紅映爛開時評量未若

新茶好

浙茶以龍井為最

好在清供不在姿

無花果

磊磊黃金結果熟枝頭曾不見花開因緣欲示原無本  
根是菴羅園徙來

薔薇



薔薇花上薔薇露  
滴露寫花花更妍  
却是韓詩寄柳子  
開函灌手事居前

女貞子

夏五開花冬子熟

仲仁首句誤押  
珠故易用仄韻

滿枝火齊綴成時  
鄭

家婚禮因為贊朱氏詩箋誤怨遲

鄭康成婚禮謁文贊  
引女貞之樹以喻寒

涼守節而朱子標有梅詩傳謂女子以貞信自守懼其  
嫁過時而晚夫既以貞自守何晚之足懼固不若小序  
謂婚姻以時  
之得正解也

迎春

裳裳嫋嫋亞枝鮮  
旬葉感金稱去聲  
寶鈿迎得春光偏屬  
爾桃紅李白任爭妍

清風藤

玉花瑣瑣繞枝開  
未惹游蜂浪蝶猜  
一陣清風過樹下  
副哉名實雅宜栽

海棠

綴枝葉綠襯花紅  
艷矣而饒林下風  
頗厭世間稱道俗  
翻身飛去向方蓬

雨中青龍橋西

五月十九日

梵宮有事落成瞻減從無須警蹕嚴恰度長川行邈迤  
又逢嘉霽落廉纖稻塍黍壠都增潤菜架瓜棚取次覘  
最喜山雲低冪好玉峯濃隱堵波尖

功德寺拈香作

蘭若玉泉左經過所必由頽涼昔久見輪奐此重修是  
日逢慶落夏雲欣佈稠梵聲出樹靜法雨潤田優廢徹  
緣羅刹

蔣葵長安客話云嘉靖中車駕駐此見廊廡金剛象獅甚心悸因坐僧宮殿懋踰罪撤去寺竟

廢迄今二百餘年頽落日甚幾不可考  
因為靜明園蹕迹所經出內帑繕復之  
景物畧謂寺僧菴能役木毬使者出  
外募金其說荒唐因於碑記內辨正之  
門前功德水甕  
率可同不

### 仲夏玉泉山

憑輿蒼蔚冒朝隰雨已滋塵未作泥偶至無過乘暇耳  
迴思又復隔年兮春花那問堂堂過夏葉方看密密齊  
山自靜而雲自動奇觀誰與幻高低

### 題清音齋

東向園門入書齋近便臨瞻

題惟永念

齋額  
祖御筆也

皇

視事敢粗心

以近園門每於  
此傳膳視事

每

以疇咨罷方云山水尋雨聲雲霞遍此正是清音

寫琴廊口號

欲向妙高

寺名在玉  
泉北峯頂

登北峯迴廊北轉下泉淙聽來箏

筑無能比竟是伯牙操篋鐘

分鑑曲

一水疏雙流有似鑑體分而實靜照同與物何踈親天

光聯淡蕩雲影相氤氲既無樂昌悲奚事德言欣因付  
不示形還謝旃摩勤

初得齋

向北行無半里遙齋臨北岸敞虛寮雲橫雨豎正容與  
峯影波光相盪搖欲擬登山還小憩誰云披暑此全消  
今朝初得尤殊特總為心田喜沃苗

近青閣

高閣近山非背山流青表裏罨窓間起人應接翻無暇

誰謂於斯足暢閒

飛雲峴

兩峯斯過峽盤曲能藏雲今乃不勝藏飛去飛來紛雲  
去雨還留雲歸雨更殷配藜磴即間天水渾難分牆外  
即稻田農夫笠底欣

題含經堂

書堂到處額含經筆研精良耐憩停味道豈關多著語  
况吾勤政未遑寧

憩雲齋

嶺拖南北分山麓有齋文四壁圖書古一庭花木芬牀  
筵聊徙倚衣袖惹氤氲摘漆叅名實今朝果憩雲

書畫舫

欲擬登山且復徐水邊舫室便臨諸却欣即景濛煙雨  
墨戲襄陽正此如

雨中登玉泉山北高峯作歌

適纔輕輿山下來雲罩峯尖不見矣崎嶇冒雨造峯尖



却見山雲居脚底  
濯清流白鮮定形  
密灑踈零無不美  
濕衣霑履正何妨  
僕人例賜原皆喜  
迴思五日前之愁  
胸中那復知有此

石衙亭

北峯低南峯亦自高  
穹窿路半斯有亭  
可以憩僕從

叶

怪石矗森森  
磔硤復玲瓏  
天然為去聲排衙  
小坐萬笏叢

却笑宋家苑

南宋宮苑跨鳳皇山麓其地有御教場遺址雙石列峙舊稱為排衙石見西湖志

移置費人工

楞伽洞

楞伽本是竺國山何代不翼飛來止依然諸佛坐峯顛  
世間刻鏤那辨此玲瓏牝洞窅以深調御演經付大慧

叶見讀書記

達摩云此可印心那跋陀羅所譯是又如靈鷲

識梵僧是一是二非此彼時方法雨霈滂沱四山猶自  
大雲起帝釋恭敬天龍喜下視稻田足新水利物誠無  
過斯矣

小飛來

靈鷲本自天竺來碧眼胡僧識非誑諸峯羅坐海會佛

一一皆具好

八十種

與相

三十

玉泉北峯茲初登亦見薄

伽趺趺狀或是飛來分小支得未曾有喜無量慧雲法  
雨既磅礴忍草禪枝相背向綠塍千頃勝西湖此是人  
天真供養何小何大何同殊而我繁言益無當

妙高寺

玉泉山固起雙峯一南一北對雄峙今朝雲雨翻銀江  
兩點金焦未殊此山寺適逢茲落成應是天龍大歡喜

我偶名之曰妙高氏父之臺想像矣髯翁遺蹟曾暢尋  
江天上下溟濛裏印公留帶帶斯存二老風流是非是  
調御丈夫坐默然乃不示中真示耳

該妙齋

妙高寺後構精舍我遂名云該妙齋無以觀焉無亦有  
衆之門也衆胥佳俯臨綠野耕雲遍遠挹西山濯雨皆  
清淨天哉形色表却思何處置崇懷

遠清軒

託足迴無匹延睇遠益清  
滿空煙雨意萬頃黍禾情  
苔潤夏生色樹涼風助聲  
座間鏡一片拋置作昆明

扶雲亭

落斜峯脚向東低一笠翼然儼若棲  
設使山雲淨飛去

倩誰四柱為去聲扶攜

題崇霄軒

妙高坐片時有登必有降  
奧谷宅一區尋徑入松巷  
崇霄向所題瑤林擬攄虹  
景真情益真乃識非虛關  
西望

苑牆外村村起耕耒

詠素堂

登山雨正零下山雨未止書堂山之坳適可聊徙倚一  
以憇僕人一以探妙理巖樹與庭花不言皆色喜繪事  
奚足云棼絲者益委試問素之中有誰能勝此

涵漪齋即景

山遊既以暢陟降臨溪齋一雨無不佳而況鏡影開接  
上飛涼意鋪平愜澹懷芙蕖纔作花韻與香風皆壁題

亦已多今歲實初來

練影堂

中嶺分來脚踏西對巖築舍復臨溪適纔足底淙淙者  
練影披成簷與齊

含峭居

雲容雨意相映發帶水屏山各潤滋一室有餘含峭蒨  
八窓無盡啓吟披役於耳目亦何謂契彼精微總合宜  
最是玉泉勝常處波光峯態兩兼奇

雨中坐輕輿返御園

雨中半日暢清遊  
水態山姿景畢收  
適可輕輿遵陸路  
玉河更不泛煙舟

不起輕塵未作泥  
允非破塊允霑兮  
高田禾黍低田稻  
一律潤含綠穎萋

珠垂柳線颯陰森  
迴望玉峯雲裏尋  
耕織圖猶溪那畔  
仍教小待再來臨

園門入亦不逾時  
章奏來乎先問之  
往每覺遲返覺速



世間萬理率如斯

詠漢玉穀壁

似盤拱把粟紋披製法猶存周室姬久假名唯取其義  
豈真物可濟人飢即肴肉好渾淳樸不比譁囂費琢追  
曾共耐金皮幣薦漢家制度祇貽嗤

雨

五月廿二日

五更雷聲送雨來倒峽翻江立奔赴枕上已自峭涼生  
窓外猶聞衆響布金石無過各執一此是八音克諧處

黍高稻下想遍霑新種苗當長益助傍晚快晴值御門  
朝臣更無濕衣慮

御湖鵞

御湖天鵞不剪羽高翥雲霄低翔渚朝雖遠去暮必歸  
唯是獨行忌結侶或來近者定睥睨互為觸搏相逐拒  
落毛脫距有弗辭望敵生爭勇猶鼓漉御湖寬且深  
栖啄各安何害汝入室入朝可類乎必嫉必妬史遷語

溪亭對雨

曉晴卓午熱非常  
溽暑蒸為雲陣張  
天際雷聲纔一鼓  
倏然飛雨落霏霧

溪亭隔久未棲遲  
煙景當前耐可披  
原是往年對雨趣  
仍為雨足往年時

碎波承點歸根合  
疾點落波翻上飛  
土岸石隄都注瀑  
片時新漲頓增肥

既優既渥既霑頻  
始覺溪亭此暢神  
西北風吹雲淨捲  
碧天如洗蔚藍新

詠天然木如意

白質黑其皮英華燦一枝分明如可別曲直不相離文  
理通身綴天花四座披柄檀將孕玉向有檀玉如意詩未免涉  
瓌奇

夜雨口號

午過驟雨暑全消細霏徐零復入宵渥以十分無別慮  
隔窓閒聽響芭蕉

題王時敏王鑑山水合冊

溪坪雲塢

做范寬

層白千溪瀑深青九夏山雲容方釀雨樹態總含閒遊客未尋逕枯僧早閉關如云師范緩似不似之間

竹泉清聽

做王蒙

澤畔是誰乎依稀楚大夫賦蘭應有閒聽筑且為娛泉唱竹相和竹于泉則喁石渠法堪證鐵網得珊瑚

王蒙畫

有題為鐵網珊瑚者舊藏石渠寶笈

秋林蕭寺

做黃公望

秋林紅間

去聲

綠深處有禪宮村屋還相近山蹊若可通

居斯或摩詰謁者定璿公神契大癡處那論同不同

峽樹溪鍾

做吳鎮

山複澗之澳花宮隱碧巖一庭靜忍草萬樹總禪枝鍾  
韻寺樓出溪聲古渡隨欲詢應答者可悟七條披

深巖濃翠

做董源

傍峯皆拱揖大嶺獨隆崇遊可復居可內空還外空翠  
濃綠過雨響颯欲吟風龍宿郊民法

內府藏董源龍神宿郊民圖大幅

同別撰中

右王時敏

林陰高檻

做董源

古屋喬林下憑欄阿那誰  
泉聲高處落溪色遠邊披小  
閣滿風際夏山欲雨時不知  
默會者可解許渾詩

翠壑丹臺

做惠崇

生翠千層壑燒丹百尺臺  
有山隔塵世不海亦蓬萊雲  
自吐金鼎露誰飲玉杯仙如  
謝資藉此地若為哉

松溪草閣

傲王蒙

覆屋惟誅草起樓非背山松陰常匝溪水自潺湲適足供吟嘯居然謝往還應須笑文景名姓謫人寰

羣峯疊礪

傲黃公望

一峯一起伏一礪一迴環乃悟詩文境原同圖畫間無

殊富春嶺

黃公望富春大嶺卷真蹟今藏內府

那數上秣陵山

見後吳偉業識語

欲掃溪橋路間當數入

聲往還

晴崖積素

傲李成



一家合筆墨十幅具雲嵐堪擬難兄弟何須論北南

吳偉

業識語稱太原奉常琅瑯蕪州然琅瑯王原自太原分出本一家也

霽光凝

去聲

陰嶺寒氣

逼巖庵閉戶山僧好安禪悟毘曇

右王鑑

喜晴

夜雨聽優霈朝曦喜朗晴邇來雲易作溽暑臨時行既  
霑無復盼翻恐多過盈籌農每先慮有踰田父怍雲片  
看飛颺日影散皜晶對時欣育物花木香風生因識斯

世間夫誰恒其情

夏日池上居

雨足心田畧暢如水軒耐可適幾餘昔非過去今非住  
愁與為稽慰與居松挾風聲拂霜簟魚遊波面入冰疏  
子興要語收其放虔輩於斯益凜予

晴望樓

望雨時畏晴斯樓恒弗登雨足實喜晴斯樓乃一憑遠  
甸皆黍田近園多稻塍高下均芃綠霽光翠剡凝如斯

祝兩月有收庶可徵奢望今何敢惟日殷冰兢

益思堂

動靜資交養夫誰能免思存誠斯近道應物在無私林  
翠環遙嶂花芳遞曲墀茲非真益我啟沃佇延之

豁如室

一室虛明號豁如披雲適可遣幾餘大公順應真提要  
程子言之定性書

暎清齋

弓樣廊通鏡樣齋虛明內外一如皆暑非陶鬱爽堪挹  
水不波瀾靜與諧魚躍何嘗離藻浦鳶飛每亦下雲涯  
多時望雨愁方釋近復望晴畧繫懷

得趣書屋

佩文亦復戒雕蟲綆汲攸殊自不同箇裏披芸得何趣  
為君難語味無窮

澹然書屋

階砌臨渌水窓牖糊玻璃坐可數  
上聲魚遊俯堪擷藻蕝

一塵所弗到三霄常朗披清之濁何有澄之清則宜澹然祇如然夫豈可議思

芥舟

溪上小亭號芥舟名因象得象何由須彌尚且無餘納大海不妨如是遊

寫鏡亭

亭前一片水渌然含鏡光故名寫鏡亭其義可叅詳物本鏡中寫寫鏡疑反常然非心暎之鏡欲照無方寫鏡

實因心正心聖經章

雨

五月廿六日

西北雲容重催來雨滿林既霑弗計寸間去聲霽那為霑  
靈已天中歛溜還樓角斟雖然此清暇頗有望晴心

題和闐玉金山圖

出自和闐水鑿成氏父山一峯湧突兀萬里瀉潺湲歌  
詠棲遲處樓臺縹緲間其人誰可擬玉局破天攄

晚晴

暑雨十分霑適可斯當止邇有作霖勢踴懼念無已傍晚雲散盡夕陽明樹底溪亭坐爽涼籌農心為喜人情鮮恒常轉遷迅若此

關九思山靜日長

法真不愧王黃鶴

是圖倣王蒙法見幀中自識語

神亦能傳唐子西即

此卓然足千古謂多七字與重題

九忍自題七言短句甚不稱畫故末句嘲

之

恭奉

皇太后觀荷即景得句

望雨

關心切雨霑承

慶應水華依節發

鳳舸迓時乘金卮全蠲暑玉壺都是冰

八旬開寶袞三壽作嘉朋

是日繪扇恭作蟠桃三顆為祝

獻

蓮子增

遐算藕絲綿瑞繩曾元常侍

喜更看



弄雲仍

詠檀玉如意

刻玉肖蓮朶香檀作柄挈淨哉如不染直故意無邪可

以標三種

佛三種如意謂能到轉變聖如意也出教乘法數

由來本一家璿公

指揮處聞說落天花

題董其昌書畫合璧冊

石淙嵐翠

勁挺錦林風泛颿淪漣輞水月流光王裴設使鷲相遇

此即當年華子岡

綠杉精舍

數峯峭崿長江外幾樹菁蔥曲水濱阿那間

去聲

間精舍

裏依稀似有草元人

林角斜坡

著水著山皆恰當一枝一葉各精神空空白屋斜坡上  
應待卜居來者人

夏山澍雨

霍霽滂濛意正酣吐雲山復被雲含隔江祇一小亭子  
便是虎兒海嶽菴

見其昌  
自識語

春鴈晴窓

精舍蕭然綠樹間惠風輕籟小窓閒楚弓還是楚人得

何必猶思青弁山

其昌識云王叔明青弁圖與平昔細  
皴迥別友人以江南春卷易去至今

未歸時作老米研山觀香光  
於此豈未悟楚人得弓旨耶

虛亭對瀑

對宜尤覺聽為宜無色聲天那著詞却憶山莊觀瀑處

避暑山莊有對瀑亭  
每至輒題句粘壁  
壁間題遍數年詩

秋岸漁磯

樹底秋風溪漾淪  
漁磯閒置曲溪濱  
水寒應是魚懶餌  
不見持竿跪餌人

平溪幽榭

平溪架木構幽居  
波面文章几上書  
一卷應披工部集  
水天相與永斯如

夜雨

五月廿八日

晚雨霖傾盆陰霑還入夜枕上聽淋淅欲寐何能假優  
霑逮十日甫覺愁罷茲乃轉生愁過多慮傷稼天澤  
艱適中而況施政化返躬益惕忸為民增歎咤

詠和闐玉碗

和闐撈王春秋貢相質

精麤

因材

大小

琢碗成五色自當白

居首圍量正合尺猶羸銘觴可例食自杖敲器雖非注  
戒盈琥珀蘭陵從未試明廷晉用乳茶擎

御製詩三集卷九十八

# 欽定四庫全書

集部

御製詩三集卷

九十九  
一百

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣潘奕雋

謄錄監生

臣陳太初

欽定四庫全書

御製詩三集卷九十九

古今體一百三十七首

辛卯七

六月朔日作

璿璣臨鶚火玉階來溫風昨夜陣雨驟望霽迫憂忡清

曉黑雲散卓午朱日烘月朔更庚首

是日值初伏

快晴誠利

農炎熱正所當時燠蒸黍苑所慮氣潤溽易致雲生濃  
展轉不免愁無非緣田功

西直門外作

越爽輕輿詰旦行  
碧天雲淨快新晴  
綠田高下均改觀  
聲去望外獲斯真慰情

御殿雖云沿例事  
政勤庶績要精嚴  
石街清蹕還宮禁  
詎可園居鎮避炎

早禾勃長將吐穗  
晚黍芄生都拔秧  
半月前愁漫迴憶  
彼無此亦鮮嘉償

倚虹堂題句



長河臨北岸向有倚虹堂十歲一重煥今年典更詳

辛未

歲恭祝

聖母六十萬壽始構此堂

七旬大慶

曾經脩葺丹腹今年恭逢

慈壽八旬復飭治煥新

以彰慶典

真同天下養永祝

萬齡慶此際殷心者惟祈若雨暘

### 題澄性堂

曉行既有暇近路復因便高樓禮萬佛溪堂遂傳膳是

處太液源

太液之水以玉泉為源然自牆外  
引流至此入池亦可謂之源矣

一泓影澈

練波澄性亦澄却類性為轉轉物乃如來此語如何薦

致爽樓口號

朱明颯景似新秋  
拾級因登樓上頭  
邂逅片時真致爽  
誰知致爽永斯樓

鏡藻軒

綠藻梳波裏朱魚  
泳藻間生機皆一  
適樂意似相關豈  
必衣冠正欣茲珠  
玉潺寧無吟致屢  
赴我得斯間

湛碧亭

池上疊假山山巔  
小亭亘岬端非甚  
高遂與尋曲徑總

之園一池俯臨又殊勝池乃不改常一例澄碧暎西轉  
北而東南堂即澄性行漏未逾時壺中之事竟

遵北岸遊鏡清齋諸勝題各體

鏡清齋

豈必輕舟直亂流肩輿北岸小沿遊齋臨碧水清如鏡  
波暎橫簷幻若樓目送霽天千里淨衣披爽籟幾銖浮  
信哉此際心欣慰敢忘前茲望雨愁

焙茶塢

多時貢至雨前芽溪屋何須更焙茶却是中人循例事  
烹成荷露倍清嘉

抱素書屋

書屋久未至偶至原如故花木無俗緣甌研多靜趣暢  
觀喜雲淨怡情在雨足叶生白虛室間依然抱其素

罨畫軒

山容與水態罨畫一窓間景漫疑真假法寧論李闌徂  
雲去天末新漲落溪灣稍愜祈年望詩吟片刻間

韻琴齋

迸水落溪濱琴聲入耳聞設論即景句慙愧是南薰

枕巒亭

假山疊奇石日久如天然嵒嵒有道通小亭枕其巔騁  
望太液池碧波漾淪連何殊妙高臺遊目窮江天題句  
想好在渺渺隔雲煙

畫舫齋

北岸東轉南沼齋有畫舫無忙且餘閒何妨一造訪前

池雖不寬頗具煙波狀憑檻俯澄泓原在蘭舟上亦非  
初自予永叔曾先倡

鏡香室

畫廊曲轉接東廂別室題名號鏡香總屬一池臨水  
趣緣得景各隨方

古柯庭

老幹千年計嘉蔭一庭佈夏葉疊林齊亦何異衆樹苑  
不爭其榮枯不改其素徘徊試擬議古柯真古度

得性軒

曲徑通軒潔且幽  
顧名竭爾試研搜  
中庸明說由天命  
何必紛然向外求

奧曠室

既已窮其奧而復得斯曠  
適可非貴貪逍遙恐無當  
命駕進清禁漏未已  
牌向奏書肯遲待批閱  
慎籌量

叶

養心殿晚坐

既雨遂望晴  
我貪自覺甚實  
以祈年憂先時  
每懃恁昨

近始快霽烏飽扶桑堪騰輝耀天中溽潤消以審豈不  
赫炎歟籌農廩夙稟輕重權其間廣殿况廕廩叶頗弗  
苦暑蒸惟益祝歲稔傍晚爽風來翻書試研品

太和殿視朝

曈曨曉闕啓芙蓉香擁金鑪露氣濃禮具以時臨黼座  
樂鳴應月奏林鍾六月以林鍾為宮鍾擊以起樂編鍾從之敢云會極還

歸極惟奉天宗與地宗三十六年斯一志遑因日久懈  
虔恭



承光殿

視朝歲嘉儀更衣臨便殿風入千年松颯爽謝揮扇古  
人此乘涼徒向誌中見蒼翁笑婆婆娑娑誌豈曾覲面

自長河泛舟迴御園之作

長河溯泗水直可達昆明聊罷步輿進遂開煙舫輕衣  
衫拂朝爽禾黍暢新晴樂善名園近維舟試意行

樂善園

隄旁舊識有溪園水木清華碧蔭軒祇以題名纔兩字

優於天下子興言

含清齋

翰齋臨碧水古砌蔭蒼松溽暑那能到秀靈獨所鍾樹  
含風籟爽花濯露華濃隨處堪摘藻懋勤硯匣供

蘊真堂

一年來一度所遇殊清迴隔塵綠水波籠戶踈筠影插  
架有芸編足以伴暇永然每不暖席憩祇消杯茗箇中  
真趣多亦在隨人領

鸞舉軒

近水由來養竹脩  
翻風鸞舉翠陰流  
天然自是仙家景  
底藉庚申著力求

過廣源閘換舟遂入昆明湖沿緣即景禱詠

廣源設閘界長隄  
河水遂分高與低  
過閘陸行纔數武  
換舟因復溯洄西

萬壽寺無二里遙  
牆頭高見繡旂飄  
維新梵宇非崇佛  
都為今冬慶典昭

朱衣僧跪寺門前不挂紫衣不透禪

向賜紫衣皆因透禪褒嘉今逝盡無

一 暮直進舟弗返顧箇維調御證因緣

夾岸香翻禾黍風無論高下綠芄芄所希此後雨暘若

未敢秋前說兆豐

水痕漲落尺猶餘蒲葦根還泥帶淤

前月廿一夜雨過驟西山諸水深發

以致昆明湖水平隄即啓龍橋尾間宣洩水勢隨落今所見葦根之泥猶前日水痕也至其下游東城濠及閘河雖間有漫口旋即堵築而北運河一帶隄岸完固無虞武清諸邑不致如去年之受溺差足慰耳

運河消隄岸固關心慶未害菑畬

麥莊迤邐接長春

麥莊長春二橋名

平水無勞更易輪西岸營

房初建置

昨歲議為火器營兩翼各建營房一區視健銳營之制選勁旅居之演習火器因於隄西

之南陽度地鳩工

無非惠衆俾安身

東岼牆臨聖化寺其中林木頗清幽晨涼圖趣歸御苑  
更弗門前命繫舟

軋軋鳴榔過繡漪

橋名

昆明百頃綠波披舟行十里詩八

首却未曾消四刻時

一時八刻四刻始半時也

陣雨

六月初七日

昨近復興雲幸未成積雨過午鬱炎歎蒼蔚勢彌聚踊  
懼將作霖切切愁心所翻思陣雨催庶得收溽暑西北  
忽殷雷急雨飛來霽叶普汜萬億點摩醯何能數來驟  
去亦迅曾未時久許濕蒸一以滌涼爽生衣紵碧天淨  
如洗夕陽照林楚心慰更餘閒開舟泛月宇

泛月四首

東南徂雲輕西北明霞燦霞燦復漸消蔚藍天一片晚  
晴信已定志為三農忤耐可泛蘭舟值此清閒宴

清宴詎易值必也暘雨時夏三今逮李其二愁過之快  
霽乘晚涼淥波澄滄池匪同趣水程桂棹緩緩移  
緩緩移桂棹葛衫披風峭轉欲換袷衣炎蒸避如標舉  
頭望天中素娥已揚曜圓景雖未滿其間趣尤妙  
趣妙未滿時因識盈虛理芳花欲開嘉好景將探美上  
弦逾細眉流光向人委素彩愜蕭懷詎可輕孤此

賦得浮瓜沈李

得消字八韻

賦物殊生性浮沈理自昭難拘小大論試看李瓜標種

自青門美品綠琳國起食單雖共貫藝圃不同條一例  
冰盤朗坐教暑氣消丁星底偏墜菌蠢上還漂可口益  
津永因心得趣饒如將寄書去吳質或堪招

題錢維城山水十二幀

溪塢春遲

溪頭春水漲滄湄山脚春雲護遠陂未肯韶光容易露  
嫩青淺翠故教遲

瀑泉洗耳



瀑泉幾疊落迴谿洗盡塵音清聽齊不向世間留姓氏  
漫猜蓄缺與王倪

迴塘獨泛

澹然無事坐船脣耐可鬚眉照碧淪不把絲竿置身側  
恐防比擬憶鱸人

野岸虛舟

遠山近樹暝澄流岸側曠然繫野舟繫者不知何處去  
却教妙義寄莊周

竹溪清話

竹院深沈夏日長  
溪亭更就水風涼  
雖看對坐未聞語  
料是相談耕與桑

幽館停雲

水氣嵐煙望若迷  
入林深處潤淒淒  
山房疑是號玉磬

幽館停雲正隔溪

二語用文  
徵明事

江程風利

長江千里帶嶙峋  
風利如飛送去舡  
不是弘農王士治

舉帆直指又何人

虛亭納翠

虛亭若翼據屢屨曾不窓櫺四面施作者應知有別解  
圖他峯翠納無遺

松簧隔水

已覺開雲錦繡同更聽隔水謾松風尋常六法原經見  
工部詩情此幅中

秋帆穿峽

傑豎峽門如鎖江是誰穿出掛筠篴片時逾險資風正  
問爾驚心降未降

蒼巖一曲

四圍截葉峙蒼巖一曲壺中大不凡小艇滄波間泛者  
如詢姓氏定為巖

丹屏錦樹

石崖平處構幽居萬葉經秋織錦如付與居人朝暮看  
那須過客此停車

煉玉歌題和聞玉鏤圖

仙人煉玉學輕身却作玉人百斤重深巖兀兀坐盤陀  
閉目止觀息以踵後山童子負籃歸妙藥靈芝攜種種  
羽化之蹤視此乎孰曰樗材特擁腫

驟雨

六月初十日

午熱蒸成雨傾盆瞥眼來黑沈忽欲墜白點自為催掠  
岸眠楊柳激池起漩洄既霑晴乃好天末盼雲開

晴

入夜已聞止雨點侵晨喜見露曦光  
邇來頗覺欠涵養  
無刻不因農計忙

詠漢玉壁

土華剝蝕幾千載闕處曾經脩補之  
却歎玉堅猶若此  
檀相錦襲又何為

平安月鏡居

竹報平安久居延月鏡新隨流皆可住  
不繫那迷津溪  
樹入宵暗波風送爽頻明霞光亦隱望漸失魚鱗

東園觀禾黍

自我東巡迴切切即盼雨踰月始霑膏稍覺慰心所今  
朝值清閒新晴消溽暑命輿遊東園爰言觀禾黍高低  
綠芄芃秀實次第舉雖不躬耒耜望歲甚農父益殷祝  
時若秋登庶可覩

題瑩德堂

松徑隄頭轉芸堂水面開三庚無暑氣四座絕塵埃少  
坐旋當去寧言耽久陪笑他近咫尺今歲却初來

松簧館

蒼松風入有奇聲  
高館憑欄愜聽清  
不是人間宮徵調  
震靈簧鼓許飛瓊

春可軒

今夏初攬景流陰  
信逝波砌花紅瑣  
碎庭樹綠駢羅池  
靜魚無躍林深鳥  
有歌春光可人處  
付與不知過

如園

複道行空界苑垣  
過來石徑即如園  
東偏總以弗恒到



初境訝成那忘

去聲

言偷度春光夏仍季却看瀑布水猶

翻徘徊未免因生愧何事若亭復若軒

### 題敦素堂

池上三間屋因之敦素名目恒無外誘心亦與同清魚  
樂壺中躍荷香鏡裏生納涼坐片刻竹籟拂桃笙

### 綠淨榭口號

敞榭偏宜綠樹叢既深而淨韻薰風斯時斯地誠宜喜  
暑雨怨咨却念中

樂性齋

命天性相近感物情斯遠樂性即樂天牽情逐物損尋  
樂豈在外孔顏示大本曰克己復禮怡然志乃滿詎云  
景致佳足以供優偃

悅霽亭

雲淨寥天片不留晴風送爽度梧楸問予悅霽緣何悅  
都為三農可卜秋

淳化軒

延清契道筦却暑撫薰絃此日憂勤勵他年頤養便予

夙

願以壽躋八十五歲即當歸政  
因構此軒為他年頤居之所一庭足花木四壁賞雲

煙

重刻淳化閣帖嵌石  
版於廊壁軒因以名數化原吾職還淳豈信然

### 待月樓

過望月上遲於焉有事待待則欲早見登樓所以乃前  
雖列假山凹處樓高倍影淨碧天雲光耀滄波海須臾  
座席端朗朗延蟾彩却照壁間題今昔分明改

### 靜蓮齋

一間靜室避歊炎，餅供蓮華水貯奩。  
識得色香本無處，底須几上置楞嚴。

賦得腐草為螢

得流字八韻

腐草本無用，為螢乃有由。  
時當炎暑候，宵見荻蘆洲。  
近物原非熟，疑燈却又浮。  
濕生更兼化，夏節似臨秋。  
藜照光明類，火傳今古留。  
莊生著精喻，車子苦勤搜。  
新代應嗤蠟，缸空那歎油。  
徒觀不熄者，歲月信如流。

命免甘省被災州，縣明歲錢糧詩以誌事

有序

昨歲下詔蠲直省正供以三年遞周今年甘肅值  
應免而臯蘭固原等十二州縣自春徂夏雨澤愆  
候且地氣早寒歲止一收夏禾災即不能復藝秋  
禾因命大吏察勘賑卹如例其成災者當計分蠲  
之而既值輪免則災蠲亦概其中恩不可以屢邀  
示有制也第念邊陲土瘠民貧又屬積歉事與他  
省異乃破常格於普免外以明年補行災免余惟  
切求民瘼施惠無所靳甘肅則尤所廕恤者既蠲

積欠穀四百萬石有奇而撥帑備賑復以二百萬計茲所貸尚不可以數算余方懼民之如傷冀吏之承德意以全吾赤子也庸詎知惠之有加無已乎

普蠲寰宇供輸以三年竟甘省值今歲黔黎方幸慶而何逢旱災比戶愁懸罄遇灾例免賦恩固無重併獨念極邊地瘠民貧恇春雨既獲遲早收已無剩氣寒補種艱千里赤地定牧民吾之責豈可常數聽命以壬辰

年補行議蠲政有司善推行庶救流離進於惠寧從優  
安肯計絀賸漫言博施難堯舜其猶病

題和聞玉負薪圖

陡峽飛流瀑水潏野橋上孰負薪巡擔纏或是秦伯樂  
乏產寧非朱買臣留取青山為淨業常依綠樹結佳鄰  
古來作者雖無數誰得千秋號玉人

仇英移竹圖

暑雨初晴宜曝書更教移竹補林虛長竿選得無枝葉

繫綫把來自釣魚

鶴領子

淵材信胎生出卵却頻見野鶴如家雞園中向所豢

解一

既不翦其羽亦不賦之糧

見舊作放鶴行

而終不遠去御園恣

相羊

二解此

雌雄那相離溪塘成熟路銜草自為巢孳尾樂

其素

三解

一歲率二卵恒弗失厥時雌雄相代更而謹伏

翼之

四解

透殼宛成形淋滲未能立鴉鵲或來侵跳蕭護

之急

五解

稍長初學步襴褌引以行教啄復教飲無不曲



盡情

六解

兩月毛羽黃四月漸變白六月黑白分翮翮殊

光澤

七解

一歲領子行二歲視子遠子意亦如之非復相

親善

八解

對物有會心人禽別於此而何世間人竟有不

孝子

九解

自驚

曉起披衣問驛章曰有李宏五百里

督撫具摺奏事例各遣人至京遞進

有要事方馳驛其限一日五六百里者則更要也時李宏為南河總督

自驚河工有事哉

急命持呈拆封視乃余前此知河漲往問脩防所降旨

十日前李宏奏今年黃河水長甚驟雖已開放唐家灣毛城鋪而水仍加長因諭於要工加意防護並令將現在情形由驛速聞並令由驛速奏來茲實遵諭陳原委茲其遵旨奏覆也

黃河漲落二尺餘各工平穩無罅圯洪湖清水逐漸增

行將暢出渾流抵

李宏奏六月初六日徐城水誌已消退二尺六寸各工俱經脩護穩固而

洪澤湖清水逐漸加增即可暢出清口覽以手加額覽奏為之欣慰初接報時之驚疑始得釋然

數巡乃定驚心轉為喜閱事久因益畏事患失我固異

人耳

孔子患失之戒為為臣者而言若為人君則患失之事宜多患失既多所得恒弗能遂此即為君之

難向作患失詩曾聞此意

雖然豈敢憚勤勞惟勵此心慎終始

十日

十日欣不雨宜暘斯已信赫曦照天中地氣收溽潤雖  
炎非蒸濕有風即爽峻其間縱小雨亦未成分寸每逢  
往來人必以田功問都稱秀將實可卜秋成順止止莫  
須說滿招昔垂論登場其尚遙敢曰光陰迅後樂誰則  
知先憂吾弗吝

三五七言

昨過去明未來現前實幻耳倏遷那住哉阜物安民祇

慙慙渴時玩日休徘徊

擬古樂府四首

偶讀太白古樂府全從古詞奪換而出其妙乃過  
之巨篇宏作筆陣縱橫所謂挾江河於腕底燭日  
月於胷中無能倣亦無暇仿也因取短篇四首各  
擬一章非欲爭勝亦云各見其意云爾

山人勸酒

勸酒商山中此意足千古巧計墮留侯出山謁世主四

老安劉是滅劉紫微卓見誰能伍

白頭吟

相如賦長門因之得黃金如何卓文君又作白頭吟

王昭君

自逞容顏輕畫工不辭跨馬往沙漠安邊豈必事甲兵  
漢家此計稱上著

于闐采花

于闐采花女意謂美勝花明妃西北去乃覺相擬差明

妃西北去安漢南朝妙策多無算何如騎馬西北來采  
花人作宮中媛

題鑑遠堂

問

安視事畢湖上圖遊暫石橋過垂虹鯨波漪漖艷書堂  
臨平湖小憩騁清瞰極目豁茗邈因心愜恬憺對物有  
餘思返已無窮慙<sup>叶</sup>近尚艱周知遠豈易云鑑

登望蟾閣

假山殊壘靠高閣誠岩嶮率因弗恒登登必興會超湖  
水近秀挹西山遠翠招八窓風納涼誰知為暑朝曉蟾  
猶在天遊目極碧寥徘徊有所思孤負是良宵

是閣雖  
云望蟾

而從未於此賞  
月故戲及之云

### 昆明湖泛舟即景禱詠

一片玻瓈萬頃如輕舟耐可泛澄虛

舟名

湖芳岸秀供時

賞水色山光自太初

六棹翻如舉六翩軒軒亦足擬凌雲因思班氏連珠語

班固連珠鸞鳳養六關以  
凌雲帝王乘英雄以濟民  
三握求賢敢不勤

湖波今比舊時寬驟雨漲來慮泛瀾

向蓄湖水灌田期於多蓄前月驟雨

西山諸水並注湖漲平隄因啟青龍橋閘為尾閭之洩水乃隨落遂不令多留底水以防潦集近日湖波覺減於前事難兩  
豫洩尾閭翻致淺從來利弊兩全難  
全大率如是

水華適遇漲漫

平聲過今歲荷將發花適逢波漲浸及莖葉因而花事不及常年之盛幸漲

退甚速不致傷稼雖損荷亦何礙乎

花朵不如往歲多消速幸無害禾黍

吾寧圖祇為觀荷

六橋一帶亘長隄昆明東與西舟過荷橋景又別



睇佳榭似早相俎

睇佳榭

敞榭平岡上縱觀具四臨輕舟艤曲岸步輦陟層岑  
爾憑虛檻真堪散素襟迴看湖水潏何限濟川心

暢觀堂

虛榭縵轉接迴廊別有面北暢觀堂湖光遠向連山色  
山色倒影入湖光攬結無不愜崇意却是今年此初至  
藉非暘雨幸若時曰斯暢觀豈容易

懷新書屋

良苗芄綠拂薰風書屋憑窓愜覽中設以臨民座已責  
聖經一語味無窮

玉帶橋

界湖飲練卧長虹隄上肩輿路可通何必留之資印老

偶然同耳藉蘇公玉泉津逮溯洄始

是橋下為昆明湖  
上為玉河直達玉

泉西子春光想像中耕織圖猶近咫尺勤民意寓豫遊

叢

耕織圖

稻將吐穗繭絲耕織來看類過時却是望霖盼晴裏  
愁多暇少故因遲

圖非柳綠與花紅耕織勤勞體驗中石版嵌廊摹程祭  
向曾辨訂程祭摹樓瑀耕作蠶織二圖即用瑀韻題各  
幅既合弃多稼軒中並命工摹勒上石嵌是間廊壁

重民本務古今同

水村居

矮屋踈籬帶野汀乘舟來舫岸傍亭丁星襍卉侵階紫

颯纚垂楊蘸渚青吟牖自開入蝴蝶釣竿閒置立蜻蜓  
西鄰東舍隔流水摩詰詩情繪有靈

石舫

畫舫漾來登石舫乘涼小憩舵樓風蓬窓偶俯觀流水  
瞥眼景光一例同

香岫室

香岫石室幽清可軒之左軒固偶一經室更弗恒坐前  
已軒中憩茲遊室實可洞戶窄益狹盤陀平不頗天花

霏其芬禪枝繆以鎖龍象底須守鉗鉢惟靜安如如供  
大士跏趺青蓮朶那羅延窟是無示中示我

構虛軒

陟降復登高高處雲軒在前過未留題斯來若有待邇  
日暘雨時有風爽增倍縱目望苑外綠疇蔚每每大地  
住虛空名軒所以乃

雨

六月廿二日

昨宵霏細雨今日繼優霖晴喜十朝過潤增盈尺深早

田抽穗茂晚種吐苗森庶可西成卜中心慰益欽

詠陶尊

成形土鼓後賦質夏尊前秘色真囂矣偃囊何藉焉突  
銅閔三代出土又千年用缶約堪納惟誠易象詮

題古玉素璧

玉氣全沈土氣埋千年佳壤伴誰哉勝於刻畫成蒲穀  
為許為邾湯致猜

驟雨

六月廿三日

昨夜雨未止時小時或大晴久知無妨誠恐連陰作今  
曉乃更驟速已勢方挫歷中尚未霽頗復愁無奈籌農  
每畏事殊覺心怯懦然斯正合當敢因生懈惰

晴

六月廿  
四日

徹夜陰弗雨雲勢薄清曉既薄遂縷散大露曦光皦天  
色碧於藍爽氣霽地表愜心慶宜暘庶可卜萬寶摘詞  
惟自勗持盈慎懷抱

聞蛩

振羽當六月物物識節次閒庭曲院間氣爽風清際耳  
根方喜靜唧唧聲忽試胡為乎其來瞥眼經年事跂脈  
蔓草中可聽未可觀叶立秋遲三朝秋信却先至曷不  
俟時吟爭響獨何意欲速紛已多亦奚怪蟲類

清暉閣前松效白居易體

清暉閣前松亦有新陰佈新陰雖可人所惜非故樹

解一

池魚本無辜殃及因城門蟠龍失其水徒歎僵老鱗

解二

舊松五十年始具凌雲態新松未十年那便同肩背

解三



嘉植不可無聊命移稚株設如種松子更當廿載需

四解

經久異欲速松弗同楸櫟如嫌長

上聲

閱時應鮮種松者

五解

一日復一日秋月與春風終愛骨格佳豈類砌花紅

六解

新枝亦已放舊榦嗟何往每看汝敷蔭不覺心悵惘

七解

種樹十年計凡木詎松哉良材必遲就尤當勤栽培

八解

我今六十餘百歲亦恒有待汝四十年老成或如舊

九叶解

解

熱

明日立秋節今朝溽暑披炎官設孤注酷吏察為誰那  
便辭班扇還當下董帷情知不多子曦影漸西馳

溪亭對雨

六月廿七日

午熱今朝不可當高臺無處得垂涼蒸為雲起西北脚

隱隱雷聲殷

上聲遠方

雷聲漸近雲陰佈倏忽飛催雨點來艱向溪亭圖望遠  
平湖一片白皚皚

橫排豎灑詩難狀盡態極妍畫豈工應是龍公收夏雨

讓教白帝落秋風

斜日明輝蟬螀懸晚晴風景報秋天向來炎熱驅以盡

頭踏金韃信有權

立秋

六月廿八日

秋信昨朝遞晚涼曉來滿目入秋光共知夏令辭今歲  
所喜農功宜若暢颯颯欄邊竹籟爽啞啞階際草蟲忙  
黍華銅雀時雖近未敢先言萬寶穰

戲題如意

意乃因之能如則緣之所指揮落天花維摩艱著語

王鑑花石盆蘭

石臺之上蔚盆蘭臺下秋花各種攢位置合宜精寓意  
寧論傳綠與塗丹

新秋玉泉山

山色靜明不可孤新秋況是耐遊娛已披爽籟迎面到  
更喜間雲共目徂寺以初成欲頻叩

北峯妙高寺  
今歲初成

塔因

舊識罷重紆

南峯舍利塔已卯  
所成是日未登

前題却又月餘閱

仲夏  
曾以

妙高寺落  
成一至

電火光陰信弗誣

題創得齋

佳哉秋意新來創得以同然我亦然  
蟋蟀有吟藏砌草  
蜻蜓無數立池蓮  
松聲謾為風聲峭  
花氣香因露氣鮮  
傳膳於斯隨勅績肯教玩景忘勤虔

憩雲齋

將欲登北峯聊因憩東岡  
東岡得畝平有室亦有堂  
憩雲我夙名路便足相羊  
是時秋雲斂秋日耀清光  
獨憩

亦欣然所欣在宜賜

肩輿登玉泉北峯

玉泉本雙峯南北對聳峙南則向恒登登北今歲始允  
因寺初成妙高與名矣喜新情之常我殊未免此早秋  
復曉涼磴棧遵迤邐肩輿旋轉便效勤固工彼五步十  
步憇人勞恒塵爾巖亭厯石衙宋苑非所擬北洞禮楞  
伽那悟西來旨信哉小飛來

亦新與  
峯名

鑄崖貌法喜下視

綠雲彌却勝彼西子

妙高寺口號

每喜好山構寺有却嫌汚法著僧無  
金仙獨坐鐘魚寂  
意謂妙高或是乎

該妙齋

迴廊循曲轉三架得芸齋緣以樸為尚  
因之靜每諧茨  
茅雖異屋鑿石便成階妙至忘妙處其忘真箇佳

遠清軒

豁目憑欄遠益清遙山東北聳新晴  
情知阿那翠深處

指日其間過踣旌

將以七月初八日  
啓蹕幸避暑山莊

崇霽軒

陟降仍在原書軒北峯右僕倭寧弗勞憩言凭晴牖晴  
則霽宜無而霽恒斯守乃識山特靈朝夕所常有一縷  
欲出楹攬之不獲手

詠素堂

一室惟虛萬趣該紙窓木榻足徘徊無端把筆欲成詠  
却恐素翻失本來



倚晴樓

秋來何事最怡情  
恰喜高樓號倚晴  
消盡薄雲天一碧  
照延鵠日景雙清  
已看綠野黃將染  
小攬畫窓詩早成  
風自西南經樹杪  
蕭蕭颯颯總金聲

涵漪齋

玉泉殊勝其他處  
翠濯山光浸水光  
著箇閒齋為合撰  
呈來虛鏡對中央  
有風那作波瀾洶  
無刻不涵恬澹常  
却是便宜今度者  
披紈花樣遞真香

乘舟至影湖樓

梁家圖畫觀大略

故大學士梁清標鑒藏書畫最多但押觀其大略印記幘中率不著一語

我每用於遊豫時適可乘舟曰歸矣影湖路便得棲遲  
層樓宛在水中央來往均資漾綵航開口放舟速於箭  
一迴眸頃出園牆

拾級登來頻迴空窓開南北受金風適纔啜齒勞攀陟  
不及據牀坐覽中

去歲新秋意不舒未斯延眺俯臨虛壁詩却欠庚寅句

翻覺白駒迅弗如

伊犁將軍奏土爾扈特汗渥巴錫率全部歸順詩

以誌事

有序

伊犁將軍伊勒圖等奏土爾扈特汗渥巴錫及其  
台吉策伯克多爾濟並舍楞等率其部衆三萬餘  
戶來歸先期遣使至伊犁具書通款自言為阿玉  
奇汗正系向居俄羅斯地久願為大皇帝臣僕而  
無機可乘乃於去冬謀棄舊遊牧挈屬內附因自

彼逸出行程萬十有餘里閱半年餘始抵卡倫乞  
准令入覲以伸積誠渥巴錫等亦先後來至伊犁  
察其詞意懇切郵函以聞先是安泰奏偵知土爾  
扈特部內附信即遣額駙色布騰巴爾珠爾往迎  
之今即諭其偕渥巴錫等至山莊朝謁而舒赫德  
亦先所命由烏什馳往莅其事者因令代伊勒圖  
為將軍駐伊犁安輯新附之衆給以餼贍振其乏  
也授之牧地資其生也其汗及台吉宰桑至者將

錫宴賚封爵秩而其部衆則量地分編以居聯其  
情亦渙其勢也蓋土爾扈特自入俄羅斯遠阻聲  
教越今幾六七年乾隆丙子秋其汗敦魯布喇  
什雖曾使人入貢第宴而遣之茲乃不藉招致全  
部內屬誠有不期然而然者且準噶爾自底定以  
來築城安屯無異中國郡縣今土爾扈特復隸我  
藩屬於是四衛拉特之衆盡撫而有之可謂盛矣  
然余履泰持盈之念彌以是為兢兢序而系之以

詩紀實也其詳分注各句下此則毋庸覩縷矣

土爾扈特部昔汗阿玉奇今來渥巴錫

渥巴錫為土爾扈特汗阿玉奇

之孫敦噶布喇什汗子也

明背俄羅斯向化非招致頒恩應博施舍

楞逃復返

平定伊犁時舍楞曾計害我副都統唐喀祿逃匿俄羅斯彼時即向索取而俄羅斯以土

爾扈特舊係彼屬竟不送還今舍楞既棄彼來歸俄羅斯即向我求索亦有辭折之然莫若先以此意令典屬傳檄示知尤見中國光明正大 彼亦合無辭

衛拉昔相忌攜孥往海濱

準噶爾舊凡四部曰綽羅斯曰都爾伯特曰和碩特曰土

爾扈特為四衛拉特榮安阿拉布坦時與土爾扈特構釁其汗阿玉奇統全部西北去乃以輝特為一衛拉特

而土爾扈特部  
遂居俄羅斯地  
終焉懷故土  
遂爾棄殊倫  
俄羅斯素不  
奉佛土爾扈

特在彼俗尚不同  
知伊犁黃教振興  
因思還歸故土  
且聞從前投誠之  
都爾伯特部在此  
得膺封爵樂業安居

遂棄其現居之額濟  
勒游牧率屬內附  
弗受將為盜  
初聞土爾扈特來歸  
之信議者或以舍楞

前此負罪逃去不宜與衆同受其降  
余以彼既棄俄羅斯而來若拒而弗納  
彼退無所歸必為盜抄掠非所以  
寧我邊圉且恐舍楞不來同行之衆  
或疑畏不敢前殊非善全之計  
若俟其既至執而罪之尤非所以昭  
威信也彼既悔罪輸忱則宥其已往  
益足彰我寬仁而衛拉全部莫非  
王臣亦從來未有之事又何必過為  
顧慮  
俾安皆我民從今蒙古類無一不王臣  
乎

愁雨

七月  
初二日

昨雨徹晝夜今晨未放晴再多恐害稼乏計解愁情岸  
齒浸將滿階心漲欲平無能善調幕慙愧祇怍怍

禱言

未至盼來其盼非劇將得愁失其愁實迫春雨如膏秋  
雨如濤膏則艱致濤則易滔百年幾何四時必有意每  
不足寧謝白首事鮮兩全理戒太盛咄哉向言豈云敬  
勝人誰無愁愁那可辭漠弗知愁非愚而誰

直隸總督楊廷璋奏定興迤南無霖雨秋成有望



詩以誌慰

定興南去二百里未逮秋霖秋望收正爾滯雲方注點  
一為慰復一為愁

即事

一雨春三日東坡為之喜一雨秋三日而我愁無已三  
日豈弗同時殊事異耳過三縱少間去聲其勢實未止剛  
盼天容現旋見雲頭起濛昧信艱開淋漓偏易委宵枕  
那得安食箸誰知旨敢諉氣數然慙愧不堪矣

喜晴是日七夕

悔禍無一往

皇天果是慈正當復七日

七月朔日後三晝夜作霖其後雖間晴時復霏絲弗止至

今日傍午始快晴

始覺展雙眉浩浩盡以散蕭蕭漸可披秋森

辭扇得曦朗曝書宜幸矣又虞放慰哉敢即怡巧筵行  
例事那去禱情私

御製詩三集卷九十九